

軍 事

兩江總督端江西巡撫瑞奏贛南匪平出力各員請尤保獎摺

四十

四月

述員二員三等譯述員二員清書二名 海防科附設於教練處掌管籌畫三省海防暨考察中外海軍事宜提調一員一等科員二員三等科員二員清書二名 以上全處人員二百零六員弁兵夫役八十六名共二百九十二員名 東三省督練處總轄三省兵事掌管開練新軍整頓旗防各營事務甚繁所需人員亦較他省爲多茲所擬員數係僅就目下情形核實計算倘將來軍隊添多仍應照章由督會辦隨時體察酌量增置

兩江總督端江西巡撫瑞奏贛南匪平出力各員擇尤保獎摺

光緒三十三年八月間南康縣境大窩裏地方匪徒起事鬧教戕官擾及贛州府城並南安府各屬仇教抗兵勢甚猖獗經奴才瑞良派兵剿辦並電商粵湘各督撫調兵援剿暨與奴才端方欽遵歷次電 旨督飭文武剿撫兼施保護教會各事宜迭經奴才等隨時撮要電奏在案現在辦理就緒各境又安謹將詳細情形縷晰陳之伏查贛州離省千里南安一屬尤形窩遠其地毗連湘粵強悍成風平時民教齟齬積成嫌怨本年夏間忽有外來匪徒假名習拳肆行煽惑節經奴才等電飭從嚴查拿懲辦迭據吉贛各屬先後拿獲多名均飭解道審辦並在南安拿獲爲首抗拒之人唐富恩等三名訊明正法該匪等志不得逞遂因大窩裏附近秀民與教民積怨構釁隱相勾結以不畏槍礮之言乘機鼓惑於八月十七八

等日猝然暴動上下二百餘里同時響應焚燬教堂教民房屋戕害教士教民並派往保護之員弁兵勇該匪等見巨禍已成自知罪無可逭因造爲大兵一到剿洗八十村及洗平三縣之謠固結其黨羽愚悍之民信以爲實遂謀合力抗拒以爲緩死之計惟時天主教士及教民避難至贛莠民隨之而往布散謠言一倡百和遂又毀贛城內外天主教堂並波及耶穌教堂此匪民勾結聚衆肇事之實在情形也奴才瑞良於八月十八日夜間接署臬司正任贛南道江毓昌署贛南道王鵬九等警報後立飭陸軍協統李瑞率駐省步隊兩營開拔馳往並飛飭駐紮吉安巡防隊左軍統領袁坦抽撥三哨限五日抵贛又調駐紮建昌巡防隊右軍管帶蔡世衡統率三哨由建昌疾馳前往復電飭駐紮萍鄉陸軍管帶劉清泰由問道率隊赴贛又慮省城空虛調原駐九江陸軍一營填紮省城並由奴才端方飭撥江甯陸軍兩營填紮九江又派海籌江元兩兵艦游弋口岸以資保護派赴贛南各將士聞命卽行不稍延緩左軍到贛最先江毓昌飭前哨哨官張平祿後哨哨官殷志泉會同副營中哨陸續開往南安助剿以杜其上竄蔡世衡率右軍續到令駐紮南康屬境之橫石井扼萬安龍泉南康上猶贛州五路總口派左軍左哨哨官國卿駐紮塘江以扼其旁路後路當左右防軍未到之先贛城兵力軍甚匪勢日熾突以數百人執旗持械乘勢襲攻經該處鎮道親督

軍 事

兩江總督端江西巡撫瑞奏贛南匪平出力各員摺片保獎摺

四十一

戊申

營標各兵竭力抵禦復渡河追剿斃十餘名生擒四名正法餘匪潰退分赴上猶崇義各鄉焚燬拘肩寺教堂其大股直竄南安嘯聚離郡城十餘里之浮江墟圖攻郡城適左軍前哨張平祿已到夜會防營後軍管帶申玉衡迎剿擊斃匪徒三十八名擒斬三名匪勢爲之一挫奴才瑞良因恐該匪與湘粵各邊匪勾結爲患且脅衆上撲先已分電兩廣督臣張人駿湖南撫臣岑春煇各派就近軍隊赴南安一帶援剿粵省派總兵胡令宣率韶州防軍一營於九月初三日馳抵南安湘省派醴陵軍管帶趙春廷衡州總兵張慶雲督率並帶南路巡防隊於九月望前先後馳抵贛境時省城派去陸軍及劉清泰軍均已早抵贛州軍威大振南郡解嚴粵軍遂回紮南雄防堵湘軍則分赴崇義協剿此調派軍隊布置剿辦實在情形也署臬司江毓昌於陸軍到後卽與協統李瑞商定進剿之策先遣陸軍第二營管帶董作泉右軍後哨哨官陳昌禹各率所部馳赴南康會同地方官相機剿辦奴才瑞良當電飭江毓昌李瑞親督大軍前進以專責成署贛南甯道王鵬九會同南贛鎮蔣雲龍留守贛城並飭署司等相機剿辦務以嚴拿首要分清民匪解散脇從爲主義時在籍開缺江南提督李占椿在贛會商籌辦團防分函各處紳民曉以大義毋再執迷江毓昌在贛多年情形熟悉亦深知辦理此案未便操之過蹙因先出示曉諭村莊無匪及有匪自行捆送者兵不入村

敢於拒抗與合村逃避者概作匪論卽予剿辦匪亦釐分爲四等一等按律嚴懲二等分別年限監禁三四等概歸地方官訊辦發落不入正案此諭一出愚民互相感慰咸謂既有生路何苦與匪爲伍自取滅亡而相約抗拒之儔頓時瓦解當於九月初十日議進駐南康縣屬之鳳岡墟復派陸軍三營管帶劉清泰進紮塘江作爲犄角之勢候紳耆紛紛來鳳岡謁見曉之以國法振之以兵威令各族自報匪名具限捆送有不敢自拿者請兵協緝該紳民等感激樂從不及十日遂獲首要邱黃班虎黃大聖劉南狗等五十餘名人心大定逃民亦漸次歸還上猶縣報匪首鍾世昇等鬻聚鉛坑遂分派董作泉爲游擊之師劉清泉赴鉛坑會同上崇兩縣及防營分路進剿後軍哨弁雷達成李宏允張炳森譚國臣分赴各堡幫同縣令專辦清鄉保甲並緝逃匪時奴才瑞良奉九月十六日電 旨責成督飭文武認真辦理又遵飭在事員弁限期撲滅勿稍疎懈並續派駐口陸軍兩隊巡防一營開駐口安以作贛南後盾聽候隨時調遣奴才端方亦續派甯軍一營來潯填紮而調前派駐潯之甯軍一營駐省相機進止督責益嚴軍心愈奮十八日劉清泉赴鉛坑之軍抵赤行卽擊散聚匪分隊進攻並會合董作泉軍及湘軍直進鉛坑焚燬賊巢各處搜捕匪於隘口突出拒敵兩次均奮擊斃其兇悍者數名餘皆相率散匿窮搜無迹始各班師而鍾世昇旋爲上猶營

軍 事

兩江總督端江西巡撫瑞奏贛南匪平出力各員摺尤保獎摺

四十三

戊申

軍 事

兩江總督端江西巡撫瑞澂奏請南匪平出方各員擇充保獎摺

四十四

四月

縣在龍泉縣境內拿獲江毓昌等於二十日率隊進駐塘江查辦赤土進炕黃余坑馬齊壩等處並至大窩裏查勘情形令附近各村出具約束子弟不再滋事切結知照贛州天主教堂傳諭避赴贛州各教民回家安業復派董作泉馳往崇義令劉葉黑古等匪留兵駐塘江大窩裏自帶隊進駐上猶訂清鄉章程十一條派紳枝旨事兼辦又赴鉛坑以抵崇義沿途百姓扶老攜幼奔湊迎迓如慶更生旋據崇紳均稱匪已散盡願做南康上猶遵辦保甲清鄉先後拿獲各匪及自首者共四十餘名此江毓昌等節節查辦民情畏服之實在情形也南安四面環山崇義東界上猶西界湘粵各邊山嶺尤爲叢雜浮江之役匪既不得上竄同聚匿崇上各鄉爲恃險負隅之計當九月初間逸匪葉黑古等疊聚崇義之上營地方圖攻縣城經開派援剿之巡防隊左軍前後兩哨及後軍副營中哨會合痛剿斃匪七十八名傷匪不計其數受創甚鉅繼窺縣城空虛復在鉛坑糾衆薄城經營縣開城迎擊又斃數十名遂四散潰逃亦聚集於西南之聶都又經該營縣會同湘軍擊散捕獲要匪崇境始少安輯矣於是湘軍之駐南安及分駐崇義者一律退回湘邊防堵江毓昌等至崇義後即派陸軍駐紮聶都十月十三日忽報聶都附近之文英有匪何傳浩等見湘軍已退文英空虛合黨羽數十人連脅從愚民一百數十人焚外委駐所奉裁都司舊演武廳劫去舊存軍裝並焚

商店四家迨聶都陸軍聞信馳至匪已四散十四日續派董作泉率陸軍會同營縣馳抵文英後營申玉衡亦率隊自南安至聞匪在夾洲約會同時圍剿該處亂山重疊竹木茂密小道紆曲異常險峻各處搜尋未見匪迹次日分路搜捕申玉衡遇匪於荊竹排因中隔深澗帶勇無多未能分路繞襲至夜大霧迷漫不辨路徑營弁李宏元熊壽全馳往應援聞吹號聲始與申玉衡會合相持一晝夜董作泉率兩隊分投繞道仰攻匪猶抗拒各兵鼓勇進擊時霧尙未散申玉衡等亦聞號聲知援兵已到相繼而進陸軍聲勢益壯斃匪十餘名生擒二名正法奪獲大旗擡槍藥彈刀矛多件其受傷墜崖之匪不可計數餘匪狂奔星散復恐何傳浩等藏匿附近山中挨山搜查仍無蹤迹當由崇義印委各員傳集紳民剴切開導始各悔罪鼓舞願將在逃首要由族懸賞具限緝拿并具山中實無嚮匪倘外匪再來不敢供應各切結其曾經習拳或從匪者皆陸續投案自首匪目周敦修亦經其父帶同投首此又剿辦崇匪現已一律敕定之實在情形也伏查此次南贛匪亂起於民教不和邪痞莠徒煽惑釀禍雖與積匪會黨似有不同而肇事之初脅從幾徧南康全境攻城拒敵勢已燎原以鞭長莫及之區值數省交界之地設非用兵迅速剿撫得宜勾結蔓延爲患不堪設想者仰賴 朝廷威福得以早日廓清各軍將士山菁窮搜不避艱險寒風瘴氣辛苦備嘗所有

軍 事

兩江總督瑞江西巡撫瑞壽南匪不出力各員撥充保獎摺

四十五

戊申

軍 事

閩浙總督松會同浙江提督呂奏裁浙省綠營兵額改編巡警摺

四十七

四月

在事出力文武各員不無微勞足錄合無仰懇 天恩俯准分別擇尤保獎以示鼓勵之處出自 鴻施逾格謹 奏奉 硃批准其擇尤酌保數員毋許冒濫欽此

閩浙總督松會同浙江提督呂奏裁浙省綠營兵額改編巡警摺

竊查光緒三十二年三月二十六日准巡警部咨會奏綠營疲弱一律改爲巡警一摺奉

旨政務處會同兵部議奏欽此茲准政務處咨會奏議覆巡警等部奏請綠營改爲巡警一摺於三月初八日具奏奉 旨依議欽此欽遵鈔錄原奏咨行前來當經前浙江撫臣張曾敷札飭司局會商妥議詳辦去後茲准暫署浙江撫臣信勤咨呈以前在布政使任內接准前司移交當查改編挑選政在臬司巡警局而裁騰餉項責在藩司亟應汰弱留強藉撙節以收實用蓋以綠營窳敗積習已深卽非奉文裁改已有不能不爲改革之勢況巡警爲保全治安要政當此民氣囂張黨匪思逞非徧設巡警難安內治然不裁綠營則費無所出自應遵咨裁騰惟細繹原奏係分裁撤改編兩層辦法似謂可以裁則全裁未可概裁則暫留爲挑選改編浙省初講警務未能徧及城鄉是墩舖汛防藩籬未可盡撤審時度勢礙難遽行全裁卽與臬司暨巡警局司道會議先行裁撤五成餘俟巡警學堂締造有成再行分別選入汰去其武職員缺暫從緩裁以符原奏調核兵冊浙省水陸各標鎮協營自前次